



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

M. Priori Et Canonicis de Novo Burgo.

urn:nbn:de:hbz:466:1-20006

398 Epistolarum Innocentij III.

mus observari. Taliter autem mandatum apostolicum exequamini, ut fraternitatem vestram, de qua plenè confidimus, debeamus merito commendare. Quòd si præmissum locum Cisterciensibus duxeritis conferendum, Canonicis memoratis in locis idoneis per vos provideri volumus competenter. Nullis literis &c. præter assensum partium &c. Datum Laterani IV. Idus Iunij.

E I S D E M.

Epist. 91.
De confirmatione privilegiorum.

CVm à nobis petitur &c. usque ad verbum assensu, Ecclesiam de Cuchevald. cum capell. de Silton. & de Brudeford, & omnibus aliis pertinentiis suis, sicut eam justè ac sine controversia possidetis, vobis & per vos Ecclesiæ vestrae auctoritate apostolica confirmamus &c. Decernimus ergo &c. Datum Laterani II. Idus Iunij.

M. PRIORI ET CANONICIS
de Novo Burgo.

Epist. 93.
De confirmatione privilegiorum.

IVtis petentium &c. usque ad verbum assensu, Ecclesiam de Hovingham, cum omnibus pertinentiis suis, sicut eam justè ac sine controversia possidetis, ad exemplar felicis recordationis C. Papæ prædecessoris nostri vobis & per vos Ecclesiæ vestrae auctoritate apostolica confirmamus &c. Decernimus ergo &c. Datum ut suprà.

MAGISTRO ET FRATRIBVS
Militiae Templi.

Epist. 94.
Pronuntiatur pro illis adversis Canonicos sancti Quintini.

CVm ex conquestione vestra jam pridem ad audienciam sedis apostolice pervenisset quòd Canonici sancti Quintini vobis quasdam subtrahebant de illarum præbendarum oblationibus portiones quas decedentibus Canonicis, seu quocunque modo cedentibus, percipitis annuales, felicis recordationis Lucius Papa prædecessor noster causam ipsam sub hac forma venerabili fratri nostro Atrebaten. Episcopo delegavit, ut inspectis litteris quas super illis annualibus habebatis, si qua contra ipsarum continentiam subtracta existarent, ea vobis omni appellatione postposita faceret resignari, & jamdictis Canonici inhiberet districtus ne quid de preventibus, quos percipere in Ecclesia ipsa debetis, subtrahere aliquo modo præsumerent; quod si aliquatenus attentarent, ipsos dictitione canonica

coerceret. Episcopus vero, sicut ex authentico ipsis cognovimus, per authentica vestra cognovit quòd quocunque modo præbenda illius Ecclesiæ de persona ad personam transire, earum annualia in integrum percipere debeatis, & in usus vestros perpetuo possidere. Canonici vero quasdam obventiones, quas vocant panem, vinum, capones, & quadragesimam, exceperunt, occasione cuiusdam transactionis quam inter eos & quandam fratrem vestrum intercessisse coram Sansone bonæ memoriae Remen. Archiepiscopo affirmabant. Ad quod probandū licet testes plurimos induxissent, utrum tamen frater ille potestatem vel auctoritatem habuerit transfigendi, vel excipiendi, quod ex parte vestra constatissime negabatur, probare minimè potuerunt. Episcopus aurem, licet ex abundati, nihilominus tres ex vobis bonæ opinionis viros tactis sacrosanctis evangeliis jurare fecit prædictum fratrem sic transfigendi vel excipiendi potestatem vel auctoritatem nullatenus habuisse, nec quòd litteras de ratihabitione habuerit, per dictos testes dictum fuerat, vel probatum. Vnde Episcopus ipse totam integritatem ipsorum annualiū vobis auctoritate apostolica adjudicavit, vos in adjudicata rei possessionem inducens: à cuius sententia, licet in commissione appellationis fuisset subterfugium interdictum, Canonici tamē nihilominus apparellarunt. Cumque postmodum iidem fratres ad sedem apostolicam accessissent, felicis recordationis Urbani Papa prædecessor noster bonæ memoriae Boboni sancti Angeli Diacono Cardinali ipsum commisit negotium audiendum, ac postmodum sine debito terminandum. Qui intellecta & cognita veritate, quòd in commissionis litteris appellatio interdicta, nec suam Canonici fuerant persecuti, immo ei ex parte ipsorum interposito sacramento fuerat renuntiatum, jamdi etiam sententiam Episcopi de mandato & auctoritate apostolica roboravit. Ne igitur sedatum litigium ulterius malignitate aliqua fuscitetur, nos Episcopi memorati sententiam, sicut à prædicto Cardinale de mandato est apostolico confirmata, ad exemplar memorati Urbani Papa prædecessoris nostri ratam esse decernimus, & præsentis scripti pagina communimus, statuentes ut nulli omnino hominum &c. Datum Laterani Idibus Iunij.